

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/23, 24.03.2021թ.

Բողոք բերող անձ՝ «ՖՏԴ-ՇԻՆ» ՍՊԸ

Պատվիրատու՝ «Երևանի թիվ 195 ավագ դպրոց» ՊՈԱԿ

Գնման ընթացակարգի ծածկագիրը՝ «Թ195ԴՊ-ԳՀԱՇՁԲ-ՄՄ-21/1-1» գնանշման հարցում

Գնման առարկան շենքերի, շինությունների ընթացիկ նորոգման աշխատանքների ձեռքբերում

Բողոքի պահանջը՝

1. պարտավորեցնել «Թ195ԴՊ-ԳՀԱՇՁԲ-ՄՄ-21/1-1» ծածկագրով գնանշման հարցման ընթացակարգի գնահատող հանձնաժողովին դադարեցնել պայմանագիր կնքելու մասին որոշումը:

2. պարտավորեցնել «Թ195ԴՊ-ԳՀԱՇՁԲ-ՄՄ-21/1-1» ծածկագրով գնանշման հարցման ընթացակարգի գնահատող հանձնաժողովին դադարեցնել «ՖՏԴ-ՇԻՆ» ՍՊԸ-ի կողմից ներկայացված հայտը մերժելու վերաբերյալ կայացրած որաշումը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին
Հասցե՝ ՀՀ, ք. Երևան, Մելիք Աղամյան 1,
ՀՀ ֆինանսների նախարարություն

Բողոք բերող՝ «Ֆ Տ Դ-ՇԻՆ» ՍՊԸ

Հասցե՝ ՀՀ, Գեղարքունիքի մարզ, գ. Լանջաղբյուր,
Չ. Անդրանիկի խճ., 2-րդ նրբ. 10
Էլ. փոստ՝ fcd-shin@mail.ru
Հեռ.՝ (+374) 77-770906

Պատվիրատու՝ «Երևանի թիվ 195 ավագ դպրոց» ՊՈԱԿ

ՀՀ, ք. Երևան, ք. Երևան, Մազմանյան 5ա

Գնման ընթացակարգի ծածկագիրը և առարկան՝

«Երևանի թիվ 195 ավագ դպրոց» ՊՈԱԿ-ի ԿԱՐԻՔՆԵՐԻ ՀԱՄԱՐ՝ ՇԵՆՔԵՐԻ,
ՇԻՆՈՒԹՅՈՒՆՆԵՐԻ ԸՆԹԱՑԻԿ ՆՈՐՈԳՄԱՆ ԱՇՈՍԱՆՔՆԵՐԻ ՁԵՌՔԲԵՐՄԱՆ ՆՊԱՏԱԿՈՎ
ՀԱՅՏԱՐԱՐՎԱԾ
«Թ195ԴՊ-ԳՀԱՇՁԲ-ՄՄ-21/1-1» ԾԱԾԿԱԳՐՈՎ ԳՆԱՆՇՄԱՆ ՀԱՐՑՄԱՆ ԸՆԹԱՑԱԿԱՐԳ

Բ Ո Ղ Ո Ք

• **Գործի հակիրճ նկարագրությունը և բողոքի փաստերը.**

«Ֆ Տ Դ-ՇԻՆ» ՍՊԸ-ն (այսուհետ նաև՝ Ընկերություն) մասնակցության հայտ է ներկայացրել «Երևանի թիվ 195 ավագ դպրոց» ՊՈԱԿ-ի կարիքների համար «Թ195ԴՊ-ԳՀԱՇՁԲ-ՄՄ-21/1-1» ծածկագրով գնանշման հարցման ընթացակարգին (այսուհետ նաև՝ Ընթացակարգ):

«Ֆ Տ Դ-ՇԻՆ» ՍՊԸ-ի գնային առաջարկ Հավելված 2 գնանշման հարցման ընթացակարգի ծածկագիր նշված է՝ «Թ195ԴՊ-ԳՀԱՇՁԲ-ՄՄ-21/1-1-1» (վերջին թիվ 1-ը ավելորդ է):

«Ֆ Տ Դ-ՇԻՆ» ՍՊԸ-ի գնային առաջարկը կազմում է 39 994 794 ՀՀ դրամ (զինը առանց ԱԱՀ):

Ընթացակարգի գնահատող հանձնաժողովի 23.03.2021թ. տեղի ունեցած նիստի թիվ 4 արձանագրության 3.1 կետով գնահատող հանձնաժողովը որոշեց՝ բոլոր մասնակիցների հայտերը գնահատել բավարար, բացառապես՝ «Ֆ Տ Դ-ՇԻՆ» ՍՊԸ-ի և մի շարք այլ մասնակիցների, որոնց հայտերը գնահատվեց անբավարար և մերժվեց:

Իսկ արդեն համացանցային կայքում 23.03.2021թ. հրապարակված պայմանագիր կնքելու մասին որոշման մասին հայտարարության համաձայն՝ պարզ է դառնում, որ «Ֆ Տ Դ-ՇԻՆ» ՍՊԸ-ի կողմից ներկայացված հայտը մերժվել է այն հիմքով, որ գնային առաջարկում սխալ է նշված հրավերի ծածկագիրը:

Նույն հայտարարության հասաձայն հաղթող մասնակից է ձանաչվել «Սևար» ՍՊԸ-ն, որի գնային առաջարկը կազմում է 44 689 540 ՀՀ դրամ (զինը առանց ԱԱՀ):

• **Քողորի իրավական հիմքերը և հիմնավորումները.**

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 1-ին մասի համաձայն՝ օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:

Նույն հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կերտան նպատակով մասնակիցների շրջանակի ընդլայնում և նրանց միջև մրցակցության խթանում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ բաղադրաբաղություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 2-րդ ենթակետի համաձայն՝ մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը: Մասնակիցների գնային առաջարկների գնահատումն ու համեմատումն իրականացվում են առանց սույն ենթակետում նշված հարկի գումարի հաշվարկման: Ընդ որում, մասնակցի հայտը ենթակա չէ մերժման, եթե՝

ա. գնային առաջարկի արժեք և ավելացված արժեքի հարկ սյունակները լրացված են միայն թվերով, իսկ ընդհանուր գնի սյունակը՝ և տառերով և թվերով կամ միայն տառերով,

բ. գնային առաջարկի արժեք և ավելացված արժեքի հարկ սյունակներում տառերով կամ թվերով նշված գումարների միջև առկա է անհամապատասխանություն, սակայն տառերով կամ թվերով նշված

գումարներից որևէ մեկի հանրագումարը հասապատասխանում է բնդիանուր գնի սյունակում տառերով նշված գումարին.

գ. մասնակցի գնային առաջարկում չափաբաժնի համարը սխալ է նշված, սակայն գնման առարկայի անվանումը ճիշտ է լրացված:

Ինչպես արդեն նշել ենք, Ընթացակարգին մասնակից «Ֆ Տ Դ-ՇԻՆ» ՍՊԸ-ի կողմից ներկայացված հայտի փաթեթում Հավելված 2-ում՝ գնային առաջարկում, Ընթացակարգի ծածկագիր նշված է «Ք195ԴՊ-ԳՀԱՇԶԲ-ՄՄ-21/1-1» / վերջին թիվ 1-ը ավելորդ է կցվում է/:

Այնուհետև, Ընթացակարգի գնահատող հանձնաժողովի 23.03.2021թ. տեղի ունեցած նիստի թիվ 4 արձանագրության 3.1 կետով գնահատող հանձնաժողովը որոշել է՝ «Ֆ Տ Դ-ՇԻՆ» ՍՊԸ-ի հայտը գնահատել անբավարար և մերժել, ինչպես հետագայում պարզ դարձավ՝ «Ֆ Տ Դ-ՇԻՆ» ՍՊԸ-ի կողմից ներկայացված հայտը մերժվել է այն հիմքով, որ *գնային առաջարկում սխալ է նշված հրավերի ծածկագիրը*:

Գտնում ենք, որ այս պարագայում Ընթացակարգի գնահատող հանձնաժողովը իրավունք չունի «Ֆ Տ Դ-ՇԻՆ» ՍՊԸ-ի հայտը մերժելու՝ «Ֆ Տ Դ-ՇԻՆ» ՍՊԸ-ի կողմից ներկայացված գնային առաջարկում ընթացակարգի ծածկագիրը սխալ նշելու հիմքով:

Վերոհիշյալը հիմնավորվում է նաև այն փաստով, որ Կարգի 32-րդ կետի 2-րդ ենթակետը սահմանում է մասնակցի ներկայացրած գնային առաջարկում հնարավոր անհամապատասխանությունների հնարավոր դեպքերը, որոնց պարագայում մասնակցի հայտը ենթակա չէ մերժման և հաշվի առնելով, որ «Ֆ Տ Դ-ՇԻՆ» ՍՊԸ-ի կողմից ներկայացրած Հավելված 2-ում առկա տեխնիկական վրիպակը կապված չէ բուն գնային առաջարկի՝ հաշվարկի հետ, ուստի գտնում ենք նման տեխնիկական վրիպակը հիմք չէր մասնակցի հայտը մերժելու համար:

Գնումների հետ կապված բողոքներ քննող անձի ուշադրությունն ենք հրավիրում նաև այն հանգամանքի վրա, որ նման տեխնիկական վրիպակի հիմքով, որը անվավեր չի դարձնում ներկայացված գնային առաջարկը, մերժվել է ավելի էժան գին ներկայացրած «Ֆ Տ Դ-ՇԻՆ» ՍՊԸ-ի հայտը, ինչի արդյունքում պետությունը ստիպված է լինելու պայմանագիր կնքել հաջորդ տեղ զբաղեցնող և ավելի բարձր գնային առաջարկ ներկայացրած մասնակցի հետ:

Մասնավորապես, «Ֆ Տ Դ-ՇԻՆ» ՍՊԸ-ի գնային առաջարկը կազմում է 39 994 794 ՀՀ դրամ (գինը առանց ԱԱՀ), մինչդեռ հաղթող մասնակից է ճանաչվել «Մնար» ՍՊԸ-ն, որի գնային առաջարկը արդեն կազմում է 44 689 540 ՀՀ դրամ (գինը առանց ԱԱՀ): Այլ կերպ ասած, գնային առաջարկում նշված ծածկագրում մեկ թվի ավելորդ լինելը հանգեցրել է նրան, որ պետությունը ստիպված է լինելու պայմանագիր կնքել մոտ 5 մլն. ավելի թանկ գնային առաջարկ ներկայացրած անձի հետ, ինչի արդյունքում խախտվում է «Գնումների մասին» ՀՀ օրենքի 3-րդ հոդվածի 1-ին մասով ամրագրված գնումների տնտեսող, արդյունավետ և օգտավետ իրականացման սկզբունքը:

Ցանկանում ենք հայտնել նաև, որ գրեթե նմանատիպ գործ քննվել է նաև գնումների հետ կապված բողոքներ քննող անձի վարույթում /ԳԲՔԱ-ՆԳ-2019/56 ծածկագրով բողոքը բավարարվել է/, որտեղ Ընկերության հայտը մերժել էր, քանի որ գնային առաջարկում <<Տերմինալ Պլուս>> ՍՊԸ-ի փոխարեն նշվել է <<Տերմինալ Պլուս>> ՍՊԸ:

ՀՀ գնումների հետ կապված բողոքներ քննող անձի կողմից թիվ ԳԲՔԱ-ՆԳ-2019/56 ծածկագրով բողոքի վերաբերյալ 29.08.2019թ. կայացրած որոշմամբ՝ բողոքներ քննող անձն արձանագրել է, որ ուսումնասիրելով «Տերմինալ-Պլուս» ՍՊԸ-ի հայտով ներկայացված փաստաթղթերը, արձանագրում էմ, որ Ընկերության կողմից ներկայացված ոչ միայն գնային առաջարկի, այլ նաև հայտով ներկայացված բոլոր փաստաթղթերի վրա առկա է Ընկերության ռուսերեն լեզվով կնիքը, որի վրա նշված է 000 «Терминал-Плюс», իսկ մասնակցության հայտի թիվ 1 Հավելվածում նշված է նաև Ընկերության հարկ վճարողի հաշվառման համարը: Դրա հետ մեկտեղ, ամփոփելով վերը նշված փաստերը, գտնում էմ որ «Տերմինալ-Պլուս» ՍՊԸ-ի կողմից ներկայացված հայտում մասնակցի անվան մեջ <<և>> տառի բացակայությունը չի կարող դիտարկվել էական վրիպակ վերջինիս հայտը մերժելու համար:

Ձեր ուշադրությունն ենք դարձնում նաև մեկ այլ՝ նմանատիպ գործի, որը նույնպես քննվել է գնումների հետ կապված բողոքներ քննող անձի վարույթում /ԳԲՔԱ-ՆԳ-2019/66 ծածկագրով բողոքը բավարարվել է/.

ՀՀ գնումների հետ կապված բողոքներ քննող անձի կողմից թիվ ԳԲՔԱ-ՆԳ-2019/66 ծածկագրով բողոքի վերաբերյալ կայացրած որոշմամբ՝ բողոքներ քննող անձն արձանագրել է, որ Կարգի 32-րդ կետի 2-րդ ենթակետի համաձայն՝ մասնակիցների գնային առաջարկների գնահատումն ու համեմատումն իրականացվում են առանց սույն ենթակետում նշված հարկի գումարի հաշվարկման: Ընդ որում, մասնակցի հայտը ենթակա չէ մերժման, եթե՝

ա. գնային առաջարկի արժեք և ավելացված արժեքի հարկ սյունակները լրացված են միայն թվերով, իսկ ընդհանուր գնի սյունակը՝ ն տառերով և թվերով կամ միայն տառերով,

բ. գնային առաջարկի արժեք և ավելացված արժեքի հարկ սյունակներում տառերով կամ թվերով նշված գումարների միջև առկա է անհամապատասխանություն, սակայն տառերով կամ թվերով նշված գումարներից որևէ մեկի հանրագումարը համապատասխանում է ընդհանուր գնի սյունակում տառերով նշված գումարին:

գ. մասնակցի գնային առաջարկում չափաբաժնի համարը սխալ է նշված, սակայն գնման առարկայի անվանումը ճիշտ է լրացված:

Այսպիսով՝ չնայած այն հանգամանքին, որ Կարգի 40-րդ կետի 4-րդ ենթակետը և 41-րդ կետը սահմանում են, որ հրավերի պահանջներին անհամապատասխան ներկայացված գնային առաջարկն առանց շտկելու հնարավորության ենթակա է մերժման, այնուամենայնիվ, Կարգի 32-րդ կետի 2-րդ

ենթակետը սահմանում է այն բացառությունները, որոնց առկայության պայմաններում մասնակցի գնային առաջարկն ենթակա չէ մերժման:

Ուսումնասիրելով «Կումպարկետ» ՍՊԸ-ի գնային առաջարկը և դրանում տեղ գտած վրիպակը, ինչպես նաև հիմք ընդունելով գնումների և գնումների գործընթացի տնտեսող, արդյունավետ և օգտավետ իրականացման անհրաժեշտությունը, պայմանագրի կնքման Խղձատակով մասնակիցների շրջանակի ընդլայնման և նրանց միջև մրցակցության խրախուսման սկզբունքը՝ գտնում եմ, որ չնայած այն հանգամանքին, որ Հնկերության գնային առաջարկում ընթացակարգի ծածկագրերից մեկը սխալ է նշվել, այնուամենայնիվ նշված վրիպակի էական չլինելու պատճառով Հնկերության գնային առաջարկը պետք է գնահատվի բավարար...:

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բողոքներ քննող անձն իրավունք ունի պատմիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից՝ բողոքներ քննող անձին

Խ Ն Դ Բ Ո Ւ Մ Ե Մ՝

1. Պարտավորեցնել «Թ-195ԴՊ-ԳՀԱՇՁԲ-ՄՄ-21/1-1» ծածկագրով գնանշման հարցման ընթացակարգի գնահատող հանձնաժողովին դադարեցնել պայմանագիր կնքելու մասին որոշումը:
2. Պարտավորեցնել «Թ-195ԴՊ-ԳՀԱՇՁԲ-ՄՄ-21/1-1» ծածկագրով գնանշման հարցման ընթացակարգի գնահատող հանձնաժողովին դադարեցնել «Ֆ Տ Դ-ՇԻՆ» ՍՊԸ-ի կողմից ներկայացված հայտը մերժելու վերաբերյալ կայացրած որոշումը:

Կից ներկայացվում է՝

1. Պետական տուրքի վճարման անդորրագիրը:
2. «Ֆ Տ Դ-ՇԻՆ» ՍՊԸ-ի տնօրենի անձնագրի պատճեն:
3. «Ֆ Տ Դ-ՇԻՆ» ՍՊԸ-ի կողմից ներկայացված գնային առաջարկ Հավելված 2-ի պատճեն:
4. Ընթացակարգի գնահատող հանձնաժողովի 23.03.2021թ. տեղի ունեցած նիստի թիվ 4 արձանագրության և պայմանագիր կնքելու որոշման մասին հայտարարությունների պատճենները:

Հարգանքով՝

«Ֆ Տ Դ-ՇԻՆ» ՍՊԸ-ի տնօրեն

24. 03. 2021թ.

